

Na osnovu člana 60. stav (1) tačka d) Zakona o visokom obrazovanju („Službene novine TK“ broj 7/16, 10/16, 5/17 I 15/19), a u vezi sa članom 98. stav (10 istog Zakona, te člana 188. stav (5) Statuta Univerziteta u Tuzli, Senat Univerziteta u Tuzli na sjednici održanoj 19.06.2020. godine donio je

ODLUKU

o izmjenama i dopunama Pravila i procedura za prijem i upis studenata u prvu godinu prvog i integriranog prvog i drugog ciklusa studija na Univerzitetu u Tuzli

Član 1.

U Pravilima i procedurama za prijem i upis studenata u prvu godinu prvog i integriranog prvog i drugog ciklusa studija na Univerzitetu u Tuzli broj: 03-2490-2/17 od 21.04.2017. godine, Broj: 03-3120-2.1/18 od 30.05.2018 godine i Broj: 03-3062-2.1/19 od 12.06.2019. godine u članu 6. stav (1) u alinejama 1. i 2. ispred riječi „originalno“ dodaju se riječi „ovjerenu kopiju ili“.

Član 2.

Iza člana 22. dodaje se novi član 22a koji glasi:

„Član 22a

Odredba člana 22. stavovi (2) i (3) ovih Pravila neće se primjenjivati pri upisu studenata u prvu godinu prvog i integriranog prvog i drugog ciklusa studija u ak. 2020/21. godini“.

Član 3.

Iza člana 23. dodaje se novi član 23a koji glasi:

„Član 23a

Izuzetno, odredbe članova 11. i 12. ovih Pravila, zbog stanja prouzrokovanog koronavirusom – COVID 19 neće se primjenjivati pri upisu studenata u prvu godinu prvog i integriranog prvog i drugog ciklusa studija na fakultete Univerziteta u akademskoj 2020/21. godini.

Odabir kandidata vršiti će se na osnovu ostvarenog broja bodova, prema opštim i pojedinačnim kriterijima kako slijedi:

- **opšti kriteriji** se odnose na opšti uspjeh učenika u srednjoj školi i iznosi najviše 70 bodova. Broj bodova po osnovu opštih kriterija utvrđuje se tako što se prosječna ocjena, iz svih predmeta, u sva četiri razreda srednje škole, zaokružena na dvije decimale, množi brojem 14 (četrnaest).
- **Pojedinačni kriteriji** se odnose na prosjek ocjena iz jednog do tri predmeta iz dva razreda srednje škole, zaokružen na dvije decimale, koji su od značaja za odgovarajući studij (a koji su povoljniji za kandidata) i iznose najviše **30 bodova**.

Broj bodova po osnovu pojedinačnih kriterija se dobije tako što se prosječna ocjena iz jednog do tri predmeta iz dva razreda srednje škole, zaokružena na dvije decimale, pomnoži brojem 6 (šest).

Član 28.

Ova Odluka stupa na snagu danom donošenja, a primjenjivati će se na generaciju studenata pri upisu u prvu godinu prvog i integriranog prvog i drugog ciklusa studija na Fakultete Univerziteta u akademsku 2020/21. godinu.

UNIVERZITET U TUZLI
S E N A T

Broj: 03-2696-1-3/20

Tuzla, 19.06.2020. godine

Predsjedavajuća Senata

Dr.sci. Nermina Hadžigrahić, red. prof